


十住断结经

卷十二

百七十五

莫三

48530



元祿九年丙子二月日重脩

皇圖聖蹟

佛日增輝 機輪常轉

山城州天安寺法金剛院置

藏



十住斷結經卷第十三

姚秦涼州沙門竺佛念譯

莫

等慈品第二十二

尔時最勝菩薩前白佛言云何菩薩入等慈
三昧遍觀三千大千世界人陰神陰諸龍鬼
人身二身至百千身云何菩薩以神足力

從一佛國至一佛國如人遊虛亦無罣礙
時世尊告最勝曰快哉斯問甚奇甚特吾今
與汝敷演其義諦聽諦聽善思念之一切諸
法虛寂無本成道眾智尋亦無迹菩薩入定
正受三昧遍觀三千大千世界其中眾生有
形之類觀五陰身生者滅者為所從生為所



從滅復入空界地水火風一一分別了無所
有法起則起法滅則滅最勝當知昔我久遠
修菩薩道禪定一意執心不亂入不動三昧
觀虛空衆生無限無量不可稱記隨其形類
而教化之其中衆生有婬怒癡無婬怒癡有
愛欲意無愛欲意有瞋恚心無瞋恚心菩薩
權慧隨類而入形與彼俱稱適一切心入定
意終無亂錯彈指之頃入於百千諸佛刹土
或以法性慧觀教化或以空法苦空非常導
以正法菩薩所化亦無邊崖以十善之行而
教授之云何爲十先淨國土不計其功敷演
其慧明知無礙坐道樹下心無怯弱降伏魔

怨令知邪趣遊處境界度人無量心如地界
忍而不動分別根門難易之相純淑之行靡
不斟酌一一分別陰持入行色痛想行識觀
內六情去外六塵若眼見色不興眼識外色
內識悉了虛無色爲是誰眼識所在若耳聞
聲不興耳識外聲內識悉了虛無聲爲是誰

耳識所在若鼻嗅香不興鼻識外香內識悉
了虛無香爲是誰鼻識所在若舌知味不興
舌識外味內識悉了虛無味爲是誰舌識所
在若身知細滑不興識想外更內識悉了虛
無細滑爲誰身識所在最勝當知菩薩入定
一一分別隨類教化或以言教或以神足或

以權慧隨類而入無所罣礙是時菩薩復以
十法訓化衆生云何爲十一者慧根具足定
意不亂二者覺意牢固演慧無礙三者敷暢
道品具足義趣四者解相去寂衆好不闕五
者解道非道了知虛無六者意崇法輪誨而
不倦七者行菩薩道不見己身八者雖度衆
生不見有度九者解內外空一而無二十者
分別身體不見有化是謂菩薩摩訶薩具足
十法便能周旋諸佛刹土從一佛國至一佛
國亦未曾離諸佛世尊菩薩當念修諸揔持
門云何爲揔持諸法印可揔持菩薩得此揔
持者於一切法去諸妄想復有普光揔持菩

薩得此揔持者等。慈一切不懷顛倒。復有慧
明。揔持菩薩得此揔持者。不淨國土。令得清
淨。復有照曜。揔持菩薩得此揔持者。於諸亂
意。悉無塵翳。復有義辯。揔持菩薩得此揔持
者。習觀衆行。入定不動。復有法辯。揔持菩薩
得此揔持者。分別句義。不失次叙。復有響辯。
揔持菩薩得此揔持者。觀察音響。隨類而度。
復有應辯。揔持菩薩得此揔持者。應適一切。
具足衆行。復有意止。揔持菩薩得此揔持者。
塵勞結縛。永息不起。復有意斷。揔持菩薩得
此揔持者。微察諸法。亦無猶豫。復有神足。揔
持菩薩得此揔持者。住壽在世。經百千劫。復

有根本揔持菩薩得此揔持者分別根門與
衰不變復有力勢揔持菩薩得此揔持者修
金剛體無能沮壞復有覺意揔持菩薩得此
揔持者敷演諸法開悟一切復有道品揔持
菩薩得此揔持者觀了三世因緣法本復有
定意揔持菩薩得此揔持者於諸亂想懷來
道故復有權慧揔持菩薩得此揔持者應適
無方亦無覺者復有布施揔持菩薩得此揔
持者解知三事悉無所有復有持戒揔持菩
薩得此揔持者不見修戒及以毀者復有忍
辱揔持菩薩得此揔持者不見恚忍及以亂
想復有精進揔持菩薩得此揔持者不見進

業及以懈怠復有正受。搃持菩薩得此搃持者。萬響雷震。衣毛不豎。復有慧空。搃持菩薩得此搃持者。包識萬智。暢演無礙。復有無礙。搃持菩薩得此搃持者。於諸通慧無所罣礙。復有曠遠。搃持菩薩得此搃持者。雖百千身。還合爲一。復有教授。搃持菩薩得此搃持者。訓以正法。言不煩重。復有不思議。搃持菩薩得此搃持者。非是羅漢辟支所及。復有道樹。搃持菩薩得此搃持者。莊嚴刹土。不離諸佛。復有降魔。搃持菩薩得此搃持者。執意牢固。心不傾邪。復有容相。搃持菩薩得此搃持者。一一諸相。致百千福。復有衆好。搃持菩薩得

此摠持者不見相好瓔珞隨身復有光曜摠
持菩薩得此摠持者於百千光見化無量復
有度人摠持菩薩得此摠持者雖度衆生亦
無度者復有廣慧摠持菩薩得此摠持者意
如虛空無有偏狹復有道意摠持菩薩得此
摠持者不想泥洹亦不著有復有滅度摠持
菩薩得此摠持者不見有滅及以生者復有
清淨摠持菩薩得此摠持者塵埃以淨無盡
不盡復有無苦摠持菩薩得此摠持者解苦
無苦名曰苦諦復有生習摠持菩薩得此摠持
者習本意緣悉了虛無復有滅盡摠持菩薩
得此摠持者滅習塵勞更亦不造復有聖道

摠持菩薩得此摠持者安處無爲永寂涅槃
復有止觀摠持菩薩得此摠持者觀了妙法
興衰所趣復有空藏摠持菩薩得此摠持者
於深法要無所罣礙復有法觀摠持菩薩得
此摠持者觀了諸法悉知無主復有淨聲摠
持菩薩得此摠持者口言柔軟如梵天音復
有稱可摠持菩薩得此摠持者爲人所說可
其心意復有等意摠持菩薩得此摠持者溫
潤流利言不滯礙復有遊處摠持菩薩得此
摠持者所可教戒無所傷損復有威曜摠持
菩薩得此摠持者在於大衆亦無怯弱復有
奮迅摠持菩薩得此摠持者爲師子吼飛落

走伏復有戒律摠持菩薩得此摠持者降伏
一切難悟衆生復有趣道摠持菩薩得此摠
持者解知泥洹無起滅想復有法性摠持菩
薩得此摠持者諸諭諂人令見真道復有息
意摠持菩薩得此摠持者不興驕傲生人自
大復有通達摠持菩薩得此摠持者聞彼聖
慧不失法教復有興敬摠持菩薩得此摠持
者即棄貢高承事諸佛復有空界摠持菩薩
得此摠持者漸入本淨寂然法界復有無礙
摠持菩薩得此摠持者以達儀軌解諸法本
復有無量摠持菩薩得此摠持者古昔所說
亦無窮盡復有強記摠持菩薩得此摠持者

分別文字知法趣向復有究竟。持持菩薩得
此持持者解人本性法界亦淨復有難滅。持
持菩薩得此持持者曉衆生淨內外虛寂復
有無際。持持菩薩得此持持者解知本無本
無亦無復有瓔珞。持持菩薩得此持持者所
說經法無所罣礙復有妙要。持持菩薩得此
持持者於盡無盡亦不見盡復有分別。持持
菩薩得此持持者非是二乘之所籌量復有
如來。持持菩薩得此持持者覺悟衆生趣寂
實道復有十地。持持菩薩得此持持者恒說
無住亦不見住復有陰種。持持菩薩得此持
持者分別身本不興。深者復有寂實。持持菩

薩得此捻持者譬如呼聲亦無音響復有識
性捻持菩薩得此捻持者悉能思惟不著文
字復有了本捻持菩薩得此捻持者無言無
說亦無教戒復有文字捻持菩薩得此捻持
者自識宿命知所從來復有法輪捻持菩薩
得此捻持者無意無想亦無神識復有甘露
捻持菩薩得此捻持者講誦說法亦無罣礙
復有深入捻持菩薩得此捻持者一一分別
四句合議復有法幢捻持菩薩得此捻持者
曉了議理明識法本復有無盡捻持菩薩得
此捻持者究暢本際不離眷屬復有等覺捻
持菩薩得此捻持者常講無量無著正法復

有諸法摠持菩薩得此摠持者翫習諸法不
失次緒復有弘誓摠持菩薩得此摠持者解
了智慧悉無逆順復有善權摠持菩薩得此
摠持者隨類適化不懷怯弱復有道慧摠持
菩薩得此摠持者分別頂法修度無極復有
幻化摠持菩薩得此摠持者分別法界無內

外性復有中陰摠持菩薩得此摠持者諸佛
世尊所居窠窟復有道場摠持菩薩得此摠
持者十方刹土晃然金色復有降魔摠持菩
薩得此摠持者一切外道靡不降伏復有自
守摠持菩薩得此摠持者護身口意不見有
護復有說法摠持菩薩得此摠持者具足法

本無所缺漏復有自用摠持菩薩得此摠持
者觀察無量衆生心意復有慇懃摠持菩薩
得此摠持者方便所說使入道檢復有流化
摠持菩薩得此摠持者分別諸慧不著古今
復有柔順摠持菩薩得此摠持者受法無厭
亦無恚惑復有進德摠持菩薩得此摠持者
於諸法本悉無所有復有色像摠持菩薩得
此摠持者其有覩形未曾妄捨復有聲聞摠
持菩薩得此摠持者校計諸法無量無著復
有善順摠持菩薩得此摠持者聽採法味平
等無二介時世尊說此摠持法門時十二億
那術人皆得盡信不起法忍復有無央數衆

生悉發無上正真道意是時世尊告最勝曰
菩薩所行不可思議非是羅漢辟支佛所知
等慈三昧定意正受之所感動威神能令以
是之故說大乘律導以正化被以法服是時
最勝前白佛言善哉善哉快說斯言一切諸
法習無本末解了法性虛無寂寞一一分別
皆虛皆寂大乘所演廣及一切聞菩薩行壽
終之後皆得生於曠忍世界爾時衆會盡皆
猶豫欲得覩見彼佛刹土如來神鑒尋知衆
生心之所念即以神足出頂光明普照三千
大千世界及彼曠忍無量刹土曠忍佛名号
曰無盡順執摠持強記不忘殊特之法恒以

在前從恒沙劫供養諸佛積累道法自致得
是無上等正覺佛告最勝菩薩當念修行十
法云何爲十一者分別法界了知虛無二者
解身虛寂內外無主三者四大覺意不猗有
餘四者於一切法不見滅度五者身口意行
寂寞不住六者護戒無戒亦不毀戒七者無
放逸行檢心爲本八者誓願成道不捨本志
九者不思議法度難寤者十者衆行清淨所
行不重是謂菩薩摩訶薩之所修行十法之
本復次菩薩次當習於十法之号云何爲十
一者戒具清淨無放逸行二者聞以施慧不
毀法界三者分別陰入了知虛寂四者知四

非常悉歸摩滅五者十八難解陰持入病六
者具足誓願諸佛加歎七者未立根衆生安
處無爲八者菩薩入定無能亂者九者遍觀
一切內外諸行十者自觀身本生滅之相是
謂菩薩摩訶薩當念修行十法之本便得自
致成最正覺復次菩薩復當習定正受三昧
所謂三昧者等觀三昧菩薩得此三昧者建
立慧觀不爲放逸復有三昧名曰攝意菩薩
得此三昧者能攝衆結不令縛者復有護戒
三昧菩薩得此三昧者守身口意不生塵勞
復有平等三昧菩薩得此三昧者意如虛空
不興二想復有大寶三昧菩薩得此三昧者

演七覺意無盡之寶復有道樹三昧菩薩得
此三昧者道華敷卓見莫不歡復有海量三
昧菩薩得此三昧者非是二乘所可斟酌復
有人室三昧菩薩得此三昧者深要法藏靡
不斟酌復有月光三昧菩薩得此三昧者普
遊諸佛往來周旋復有日明三昧菩薩得此

三昧者普曜一切靡不蒙光復有玄鑒三昧
菩薩得此三昧者解了三世無起滅法復有
無憎愛三昧菩薩得此三昧者怨讎平等視
如赤子復有大哀三昧菩薩得此三昧者視
一切衆如父如母復有悲慈三昧菩薩得此
三昧者爲一切衆爲其雨淚復有愍哀三昧

菩薩得此三昧者亦無吾我我人壽命復有
無想三昧菩薩得此三昧者便能轉於無上
法輪復有行苦三昧菩薩得此三昧者於阿
僧祇劫不唐其功復有建力慧戒三昧菩薩
得此三昧者不見吾我清淨之行復有離身
三昧菩薩得此三昧者去離繫縛亦不毀戒
復有吾我三昧菩薩得此三昧者於彼此岸
亦無染著復有玄通三昧菩薩得此三昧者
語法忍辱無寂不寂復有清白三昧菩薩得
此三昧者於清白行思惟分別復有相應三
昧菩薩得此三昧者與相應法不起不滅是
謂菩薩摩訶薩正受三昧遊至他方諸佛刹

土事事供養諸佛世尊亦不恐懼無所畏難
正使身壞於中命終節節離解自觀其身如
草木牆壁不興深著而行忍辱彼聞惡言不
以爲感雖遇歡樂亦不爲慶尋其言教亦無
處所曉了所言亦無本末本無之心各各無
實是謂菩薩摩訶薩清淨定意彼雖亂心心
無所結亦不在此復不在彼於內外法皆悉
清淨以觀如此則爲忍辱是謂菩薩摩訶薩
身口意淨建立慧忍復次最勝菩薩摩訶薩
當復修行精進定意長諸善法無所漏失觀
其法界不增不減無漏慧觀以爲法御復當
思惟觀猗世法不見諸法有成就者不成就

者不見正諦及與顛倒不隨不捨亦無去就
是謂菩薩摩訶薩珍寶積聚無盡之藏不見
去來現在之法何所從來何所從去來亦無
處去亦無跡賢聖八道諸法之首一一分別
賢聖四諦去離顛倒妄想之行爲人說法無
所滯礙解了衆生虛而無實推尋諸法亦不
可得所以然者法法相生法法相滅人不離
法法不離人人自虛寂法亦虛寂如人自然
法亦自然解自然者乃應無上正真之行便
逮佛法無盡之行其有求法若以求者方當
求者三世無著無所深汙彼以求此彼求此
已亦無所得亦無所失是謂最勝菩薩摩訶

薩建立妙慧精進之行最勝當知菩薩摩訶
薩復當思惟禪定之行正受三昧不毀法戒
平等無二亦不見二亦不成就非不成就彼
於禪定而以正受一切諸定不起亂想諸法
無想亦無放捨解了內外悉無有主是謂菩
薩摩訶薩一意正受不毀禪定亦復不見有
合有會捨諸境界無有去離行無著禪意趣
無難是謂菩薩摩訶薩不立於法亦不離法
恒以一意諸法自然解了諸法無生滅想非
身非心所能忖量思惟定意平等無二志性
所趣無應不應亦不見應分別十二因緣之
本緣行有癡緣癡有識緣識有名色緣名色

有六入緣六入有更樂緣更樂有有緣有有
愛緣愛有受緣受有生緣生有死愁憂苦惱
不可稱計取要言之五盛陰身危脆之形不
可久保菩薩是時等行本無分別色痛想行
識悉了虛寂復以正受於本淨法亦無深著
亦不見色解色無色度於一切顛倒之行是

謂菩薩摩訶薩禪定一意非是羅漢辟支佛
所及外道五通雖壽無量由失神足不至究
竟禪定之人正受三昧住壽一劫復過一劫
不以爲難以得禪定出智慧上除棄塵勞不
興妄見是謂菩薩摩訶薩志願于道開化衆
生隨形應適隨病投藥復以空性慧觀之法

入等慈三昧遍觀三千大千世界轉至恒沙
諸佛刹土應度衆生悉令解脫是則如來禪
定正受皆使黎庶至于滅度是謂菩薩摩訶
薩建立等慈定意所濟無量不可稱限是謂
最勝如來神德巍巍如是夫欲觀法當以慧
眼亦非肉眼亦非天眼亦非羅漢辟支所觀
以觀諸法解諸法寂解諸法淨解諸法虛解
諸法定是謂菩薩摩訶薩無限之量弘誓之
心無行無處亦無所入諸法寂然定者所習
非亂者所行普觀諸法悉皆如是如是觀者
是爲法觀法觀菩薩不見諸法之所歸趣其
有觀法而不分別斯等之類闕於道場不至

究竟不以正法而成定意菩薩當念除去妄
見無求無取亦不摸習求受重福知內外法
悉皆虛寂是為菩薩摩訶薩入等慈三昧觀
了諸法悉無所有以無所有乃名見法夫見
法者無我無人無壽無命斯皆假号非真實
法有為之法非無為境界無為之界非有為
之法菩薩解知有為無為有漏無漏是常非
常我人壽命悉無所有是為菩薩摩訶薩分
別定意無生滅法假使菩薩觀諸法相解知
衆相虛寂無二亦不見二解二無二乃應定
意於顛倒法解無所有不見有正趣於道者
不見有邪當趣諸見蓋於衆生無量之慧皆

發大哀淨佛境界淨佛刹土從一佛國至一
佛國承事供養諸佛世尊復以神通明慧之
觀普察三千大千世界頗有衆生諸根純淑
不遇賢聖墜于三途是時菩薩要任拔濟使
不彫落或復是時菩薩達士因度衆生兼復
造緣周旋往來不唐其功彈指之頃遊于百
千正受定意建立慧觀修諸功德若行施時
計天人本亦無施者解知三事悉無所有是
謂菩薩乃應於施若復菩薩以律訓誨解知
犯戒及以禁律亦無所有無戒不戒乃應戒
也或復菩薩恒行忍辱見行忍者代其歡喜
設遭恚怒不懷憂感懈怠忍辱悉無所有亦

非一二至乎百千解忍無忍乃應忍辱復次
菩薩常行精進見精進者代其歡喜設遭懈
怠不以爲恨解知懈怠及以精進一而不二
亦不有二亦不有進亦不有怠解進怠虛寂
乃應精進復次菩薩若行若坐常若一心禪
定正受未曾虧損天雷地震万響俱作專心
一意無能移轉動菩薩心解知定亂悉無所
有解定無定乃應定意復次菩薩智慧所潤
澤及黎庶包識万機應適無方暢達演說不
毀佛教平等慧觀不見賢愚解慧無慧及與
愚惑悉無所有亦不見有亦不見無有無悉
虛空寂無二是謂菩薩應於智慧如是清淨

諸法之相亦不見相非不有相解相無相乃
成相好拔濟衆生至無爲岸復次菩薩復入
空定遊虛空界一一分別空界衆生或以言
教或以神足或以光相或以苦行而教化之
普使衆生得入道檢復次菩薩行無相法除
去想著顛倒之行復遊他方諸佛刹土恒以
無相不變易法訓化衆生普至無爲復次菩
薩行於無願不求三界受有之報不猗著人
不著相好分別內外五陰成敗色痛想行識
外塵內入一一分別虛而不真如是最勝菩
薩大士發大弘誓度衆生類不見有度尚無
衆生況有度者是謂菩薩摩訶薩建立等慈

定意普使衆生逮得慧根。尔時世尊說此等
慈品時十四那術人皆發無上正直道意八
千菩薩尋於座上逮得等慈三昧。

法界品第二十三

尔時世尊放舌相光明普照三千大千世界
復照十方諸佛國土四維上下靡不蒙照復
照東方八十四億江河沙數寂寞世界諸佛
普集無有二乘恒講菩薩殊特之行分別世
界各有次第吾亦從彼來至忍界所已然者
發願探籌無錯亂故佛告最勝今我自憶在
彼佛衆一億諸佛同時取籌我爲元首當此
世界慈氏元吉師子勇慧德普廣聞金顏玄

寂寶雄常悲鮮潔弘誓如斯等佛一億如來
同時受籌適此忍界佛告最勝及來會者諸
佛世界不可思議改形變化權現無方汝等
焉知慈氏菩薩方習菩薩行乎莫造斯觀所
以然者慈氏積行恒沙數劫先以誓願成等
正覺吾方習行而在其後或現苦行或現光
相或現菩薩儒童弟子隨人本行而爲說法
慈氏菩薩在彼座上佛告弥勒現佛光相翼
從多少尔時弥勒隱菩薩身還現佛形刹土
國界弟子菩薩不可思議衆會見之歎未曾
有無形自然色相自然諸法自然一切諸佛
亦復自然時彼大衆復見東方八十四億江

河沙數寂寞世界諸佛世尊論講菩薩殊特
之行千八百微妙法門何謂千八百微妙法
門菩薩習於本淨法門獲此法門者不於本
際而受其證復有無言說法門菩薩得此法
門者遊虛空界無能覺知復有無所得法門
菩薩得此法門者雖度衆生亦不見度復有
無所持法門菩薩得此法門者解知本淨內
外無主復有名号法門菩薩得此法門者一
切諸法虛而無實復有成就法門菩薩得此
法門者雖處有爲不著有想復有化識法門
菩薩得此法門者入無形界無形教化復
現形法門菩薩得此法門者現形無數而

化之復有因緣法門菩薩得此法門者爲彼
衆生而造因緣復有法聲法門菩薩得此法
門者但聞音響不見其形復有離有法門菩
薩得此法門者不見生滅著斷之法復有解
脫法門菩薩得此法門者不見泥洹有趣滅
度復有深奧法門菩薩得此法門者分別如
來祕要之典復有無色像法門菩薩得此法
門者入無色定而教化之復有無觀行法門
菩薩得此法門者佛法無教亦無處所復有
數息法門菩薩得此法門者諸法無數解息
無息如是最勝菩薩摩訶薩獲如此等千八
百微妙法門時諸衆會聞彼諸佛說此微妙

法門盡於座上得盡信法忍無數衆生趣小
乘者皆發無上平等道意尔時世尊及以弥
勒還攝光明從面門入如來大哀巍巍若茲
開化衆生不可稱量各使至趣今立堅固尔
時衆會復作是念向者我等皆共普見寂寞
世界如今忽然悉無所有將非幻化野馬水
影乎復非夢鏡恍惚耶尔時世尊即知衆會
心中所念便告舍利弗曰云何舍利弗汝頗
曾聞如來與汝說聲聞行是有爲法是無爲
法是有漏法は無漏法是真實法是非真實
法是現法是非現法是塵勞法是非塵勞法
是有數法は無數法是有著法は無著法是

有習法是無習法是瞋恨法是非瞋恨法是
可捨法是非捨法是凡夫法是非凡夫法是
賢聖法是非賢聖法此意止神足法此非意
止神足法此根力覺道法此非根力覺道法
此學法此非學法此聲聞法此非聲聞法此
緣覺法此非緣覺法此菩薩法此非菩薩法
此佛法此非佛法云何舍利弗汝曾聞如來
說此言教乎舍利弗對曰非也世尊佛告舍
利弗我今猶尚在聲聞衆不說斷漏有緣著
想況當演教有窠窟乎此事不然說法論講
悉無處所無言無教亦無法想法出響應豈
有法也云何舍利弗今當引譬智者以譬喻

自解猶如士夫勇猛之人觀虛空界悉了無
形然復彼人意欲規郭以衆彩色欲畫虛空
或作天像或作人像或作龍鬼神旃陀羅像
或作蛸飛蠕動畜生之像云何舍利弗彼人
施意寧能不乎舍利弗對曰非也世尊甚難
甚難至未曾有佛告舍利弗如來權化不可
思議施設言教甚難於彼所以者何一切衆
行有爲法無爲法有漏法無漏法道法俗法
十二因緣及六識身四意止四意斷四神足
五根五力七覺意八直行過去當來現在諸
佛無形無像不可覩見亦無取捨亦無聚散
不可攜持而不可得虛空境界虛寂無二諸

佛世尊遊諸方界爲一切衆生講說言教實
無名号強爲假号實無文字強爲文字實無
法性而說法性復次舍利弗菩薩摩訶薩以
權方便應適衆生隨彼根本此乃甚難設有
比丘僧比丘尼優婆塞優婆夷篤信如是虛
無寂法具足衆行便能成就如來相好從一
佛國至一佛國承事供養諸佛世尊復於彼
佛得強記摠持亦復受此深妙之義轉復演
布咸使聞知菩薩摩訶薩當念具足七無著
法去何爲七解一切有悉無所有不染於有
亦不見有現其形像亦無色相猶無有佛況
色相乎一切世界亦無端緒况當有本而可

推耶衆生根本無窮無底誰能發意斟量其
行法自然生法自然滅亦復不見有生有滅
諸法如化諸法如幻亦復不見幻化野馬諸
法自然諸法無生亦復不見生滅著斷是謂
舍利弗菩薩摩訶薩成就此七無著法者便
能具足一切衆行漸漸得至成菩薩位坐佛
樹下降伏魔怨衆德著積光相具足從第一
住乃至十住於其中間未曾退轉恒爲諸佛
所見擁護天龍鬼神輒沓懇阿湏倫迦留邏
旃陀羅摩休勒供養華香作唱伎樂被服幢
幡轉加功德威神扶接自上無上至真之道
佛復告舍利弗自念我昔修菩薩道或爲儒

童或爲梵身或時出家修沙門律供養江河
沙數諸佛世尊或以頭目國財妻子或以醫
藥四事供養但聞諸佛論講苦義空義非身
之義或說六度空無相願或說禁戒學道之
法或說忍辱仁和之教或時隱處經劫不起
或入禪定形神不動皆由內法未成就故佛
復告舍利弗吾始從寂寞世界諸佛世尊即
得聞此深妙之法諸來菩薩大士集者應時
逮成柔順法忍今時衆會諸在坐者二万四
千衆生應時逮得不起法忍去來諸佛及現
在者皆共宣傳頌暢深法悉無處所亦復不
見我人壽命觀察衆生根本純淑衆生有想

以無想教授衆生。有念以無念教戒衆生。有礙示以無礙。若有善男子善女人。諷誦善持此深奧法。若復演布爲他人說。其福功德不可稱限。若有學人修菩薩道。慈悲喜護。愍傷一切欲令成就。登菩薩位。常當修持深奧法。藏若善男子善女人。遍滿三千世界。受持五戒。遍行十善。四禪四等。四空定智。不如一聞斯深法。奧若不能多思惟。亦可七日若不能七日。六五四三乃至一日。若不能一日。彈指頃。可去何舍利弗。如汝聲聞。其數彌滿十方世界。四事供養。衣被飯食。牀褥卧具。病瘦醫藥。從億億劫。復過億億劫。不如一聞深要之法。

所以者何菩薩法藏珍寶之聚若復演說一
句之義無常苦空非身之義三脫法門及四
明慧空無相願虛寂之行不生不起無滅盡
行如是菩薩摩訶薩是則安隱無量德行福
不可限無以為喻若有菩薩以限礙身修有
為法教化衆生使充所願然彼之類未曾更
聞無為之道欲履菩薩深奧法者此事不然
若有菩薩定意正受從無量法宣暢演布深
奧法典聞無為法諸法虛空悉無所有是則
深義無能及者是故菩薩若欲具足衆生願
者欲與他人說其義者復欲宣暢如來菩薩
祕要法者欲使衆生成四果證者常常念學

此深法要佛復告舍利弗昔吾遊學為菩薩
行常習六度四等大慈加被衆生演甘露味
或演言教或賢聖默然或現神足或以善權
巧便或以神通五道或以一道周旋或以辟
支飛鉢虛空或以聲聞稟受言教或現儒童
狀如無知舍利弗當知菩薩教化權現無方
不可窮盡隨世習俗隨類而入亦入於地亦
入於水亦入於火亦入於風菩薩分別四大
本原皆無有主分別地界內外虛寂水火風
界亦復如是復觀衆生有婬怒癡無婬怒癡
有愛欲心無愛欲心有憍慢意無憍慢意有
定意無定意有亂心者無亂心者菩薩悉皆

分別或以安般守意或以惡露不淨觀或以
泥洹滅盡之法或以有爲無爲法或以有漏
無漏法或以俗法或以道法或以神通漏盡
之道而教化之吾曾遊處通慧世界爲一衆
生十二中劫入禪定意形神不動不辭劬勞
待而教化此衆生者豈異人乎莫造斯觀卿
欲知者今最勝菩薩是最勝菩薩在通慧
世界生豪族家由宿積德不生貧賤窮困之
家一生二生至百千生乃至十二中劫受形
常在豪貴不處卑賤吾亦入定去彼不遠觀
其心意於百千劫不解一句深奧之法後能
自悟豁然心開自歸我身欲聞深妙無量法

典而為說法無盡之藏所謂無盡藏者分別
音響或以一音遍滿三千大千世界或以一
句應適一切衆生心意所吐言教過於梵音
復有六通無盡藏往詣十方諸佛世界承事
供養如來世尊稟受深妙難有之法於諸苦
行過於精進持戒忍辱精進一心智慧善權
復有無盡藏使有四意止四意止者無漏法
行法意止者泥洹徑路餘者凡夫之所修四
意斷四神足五根五力七覺意八賢聖道報
應果證悉無所有亦不見有是謂菩薩無盡
之藏何者可盡平等光曜善講本性是可盡
也法性相修為可盡也心所思惟為可盡也

思惟五陰爲可盡也。曉了十二因緣爲可盡也。知內外四大爲可盡也。舍利弗對曰：非也。世尊非是如來所能究盡。佛復告舍利弗：復有四事法無盡之教爲辯才門。云何爲四？一者分別無盡慧，二者分別無盡慧明，三者思惟強記，揔持四者分別辯才無外，是謂舍利弗四無盡之藏。菩薩所可修行，復有四無盡之藏，不可攜持。云何爲四？一者其性難攜，放逸不住；二者道心難攜，本性甚深；三者入諸本際，習無本末；四者入衆生意，了知無法。是謂菩薩摩訶薩無盡之藏。佛復告舍利弗：菩薩復有四牢固無盡之藏，爲辯才法門。云何

爲四一者志願牢固不著邪部二者本行清
淨不興塵勞三者古佛言教立忍無恚四者
隨緣造行不失本誓是謂菩薩摩訶薩無
盡之藏辯才法門在道樹下降伏魔怨意無
怯弱復有四轉輪法門無盡之藏云何爲四
一者所言至誠不毀他人二者究盡緣起知
所從生三者訓誨衆生初無懈怠四者分別
明慧上菩薩位是謂菩薩摩訶薩不毀法戒
無盡之藏菩薩摩訶薩常所修行佛復告舍
利弗菩薩摩訶薩復有四無盡之藏成就法
界云何爲四一者照曜法界通達往來二者
照曜法性解無所有三者分別肉眼天眼慧

眼法眼佛眼云何爲肉眼觀觀色像不與眼
識云何爲天眼所謂天眼者觀天光像不見
報應慧眼分別不見塵垢法眼清淨具足六
度佛眼了朗觀相無相四者照曜報應不著
三界是謂菩薩摩訶薩無盡之藏成就法界
佛復告舍利弗菩薩摩訶薩復有四無盡之
藏云何爲四一者精進不定意有求慧意無
求慧意有盡意無盡意有得意無得意內外
分別悉無所有是故舍利弗行權菩薩在在
處處周旋教化精進爲上修行禁戒勤力爲
本從諸世尊求積功德聞法歡喜合集明慧
布演道教亦無言教當來過去見在諸法慧

觀堅固乃爲真教如來所說不以文字文者
清淨說法亦淨是爲積慧功德立忍堅固立
不退轉是謂舍利弗不以貪色亦不倚色非
不有色解色無色故曰法性正使三千大千
刹土香熏細滑繒綵幢蓋來供養者不享用
喜遠離懈怠不懷怯弱避貪亂意除瞋恚心
成等正覺演布祕要乃得成佛捨身所安立
弘誓心代彼衆生受其苦惱精進樂法乃使
衆生進入法室至修道者諸天證明天龍鬼
神捷沓愬阿湏倫迦留羅旃陀羅摩休勒人
與非人悉來供養善男子善女人扶佐勸助
使成佛發願堅固要使成慧中無有退度諸

因緣墮三途者無識無覺亦無究竟是謂舍利弗菩薩摩訶薩修無想念法無言教法乃能得成如來聖教尔時座上諸來會者聞斯深法皆發無上不退轉地尔時舍利弗前白佛言向所聞者斯等諸人久如成佛乎佛告舍利弗斯等諸人二百無鞅數劫當成爲佛

皆同一号無苟超德如來至真等正覺明行成爲善逝世間解無上士道法御天人師号佛世尊世界曰清淨劫名難度彼佛世界純以一乘無有聲聞辟支佛名常論菩薩無量德行土地平正無有山河埏阜河澗谿谷若干種色如天統縱無有日月光明所照自謂

衆相光光相照衆德廣普衆生所念万若干
想所以然者以其法界無差違故彼佛世界食
自然甘露著劫波育衣猶如第六天樂所居士
地豐熟五穀平賤七寶具足金銀玕寶磔磔瑪
瑙真珠琥珀有轉輪聖王名曰雨華七寶導從
所謂七寶者一名輪寶所謂輪寶者縱廣十四
肘純以七寶輪有千輻輻輻有相王意欲東
輪即前導二者象寶所謂象寶者色如白雪
口有六牙牙牙有相王欲乘象遊觀世界彈
指之頃遊于世界亦無有難三者馬寶所謂
馬寶者身紺青色及朱髦尾乘虛而行脚不
躡地馬一鳴吼震于世界靡不聞者王意欲

乘東西南北彈指之頃皆悉周遍四者玉女
寶所謂玉女寶者身作優鉢蓮華香口作牛
頭拏檀香純肉無骨爲人端正不肥不瘦不
長不短不白不黑備具女姿六十四變王意
欲納輒使在前五者珠寶所謂珠寶者方三
仞高七仞王意欲試彼珠寶者夜非人時即
召軍馬集四種兵夜出珠寶著万丈臺頭普
照世界靡不蒙光珠自往來隨王所念六者
典藏寶所謂典藏寶者是時轉輪聖王意欲
遊行方域世界路由大海無底之源王意欲
試典藏證驗即勅御者且止此海吾欲享息
便勅典藏寶吾今頒金銀珍寶碑磔瑪瑙珊

瑚琥珀水精琉璃卿能得乎時典藏室跪
水中以器拘水隨意所念七寶自至七者典
兵寶所謂典兵寶者王意欲集四種兵衆即
告典兵寶曰吾欲檢按四種兵衆使時不移
能得辦乎彼典兵寶復白王言不審聖王須
兵多少王告之曰吾須前後左右各各万箱
時彼典兵寶隨王教令即如其言四種兵集
所謂四種兵者象兵馬兵車兵步兵一一兵
者將從有十四種兵各各亦然今時佛告最
勝諸來會者今時轉輪聖王豈異人乎莫造
斯觀所以然者今最勝菩薩身是也所在變
化言聲柔輒人民之類皆承法音寂然恬泊

講度無極。四恩四等。六重之法。善權方便。入
滅盡定。離欲無垢。空無相願。無爲之法。無生
滅法。無端緒。法其有萌類。諸天世人在彼境
界者。分別聖慧。無漏道根。或示音響。指授明
法。或以苦切之教。將入法律。或以神足變化
光明。教授欲使衆生。漸入究竟。佛告舍利弗。
一切衆生。無我人相。諸法本淨。諸法無形。無
著斷法。諸法無壞觀了。佛土悉無所有。又復
舍利弗。十二因緣。五陰六衰。都無形像。如來
八種音聲。不男音。不女音。不强音。不軟音。不
清音。不濁音。不雄音。不雌音。此由檀度受實
果證解。知清淨。照于法界。或以一音遍滿三

千十方世界吾曾遊處野馬世界去此七十
二億江河沙數諸佛刹土在彼周旋放大音
聲遍滿彼佛刹土其聞音者百億衆生立不
退轉皆發無上正真道意時我弟子名曰目
連神足第一登一須弥山復登一須弥山如
是經劫從劫足下躡地時目捷連在野馬世
界放大音聲遍滿三千十方世界於彼音聲
而演斯教如來說法未曾有行亦不見行非
不有行解行無行故曰清淨諸法無像亦無
音響復說四諦如尔法性解苦無苦不任於
苦入如此慧故曰苦智因習暢本解習無習
不見有習故曰習智知盡處所由盡而生由

盡而滅亦不見盡是謂盡智無爲道者不見
窠窟去來今佛之所稱譽今佛說者亦無有
道去來所說亦復如是道無形像不可覩見
解道無道故曰道智是謂菩薩摩訶薩分別
道議時彼野馬世界一切衆生之類但聞其
聲不見其形時彼大衆愕然有恠斯是何人
布大音聲震動世界兼復演說深奧之議時
彼如來知衆生心中所念便告目連曰捨汝
神足可在此衆現其形像時目捷連即如其
像忽然以至處大衆中彼菩薩等身長八萬
四千由旬佛身長十六萬八千由旬衆會見
目連形體著衣持鉢狀如沙門皆共愕然恠

未曾有此。是何像爲。是畜獸爲。是人耶。是時
彼佛知衆會心中所念。即告之曰。汝等勿生
此心。所以然者。去此七十二億江河沙數諸
佛世界。有佛世界。名曰忍土。彼有佛名曰釋迦
文如來。至真等正覺。十号具足。於五濁世出
現於世。恒以文字教授衆生。人壽百歲過者
無幾。以四諦至真。分別議趣。其說慧無處無
著。此目連比丘。是彼神足第一弟子。彼佛即
告目連曰。現汝神足。此衆大衆。虛想欲見時
目捷連承佛教戒。即從座起。頭面禮足。忽然
不現。入無礙三昧。定意盡接十方諸佛刹土
安著右掌。左手接彼佛土。懸處虛空。各各共

見目連神足欲覩其形不能得見時彼菩薩
尋自歸命彼佛世尊伏惟天師當見拯濟佛
告無苦終不有損尔時彼佛告目連曰止止
目連捨尔神足令此菩薩粗識軌迹尔時目
連承佛教旨即捨神足復坐如故時彼菩薩
前白佛言彼忍刹土釋迦文佛以何教化去
何說法復以何道訓誨衆生以何權智周旋
往來佛告諸菩薩彼刹衆生剛強難化牙相
是非各自謂尊是以如來以苦切之教引入
道門猶如龍象及諸惡獸慵悞不調加之捶
杖令知苦痛然後調良任王所乘彼土衆生
亦復如是。是以若干言教而度脫之或以苦音

說苦音響習盡道者亦復如是時彼菩薩歎
 未曾有善哉善哉世尊彼佛如來執勤勞行
 甚為難有能於五鼎沸世教化衆生演布大
 道寂然滅盡歸於無為也

十住斷結經卷第十二

莫

迹

音積與

邊崖

下音宜又

魚

純

下音孰

斟

音針

鼻

許救反以鼻取

醫

於計反掩

沮壞

上才呂

俎

斷也壞也

苞

必交反

狹

咸夾

埃

音哀

奮迅

上

問

反振也

諭

諂

上羊朱

反正作

驕傲

下吾

軌

俱水反

籌

直留

筭緒

音窠窟

居

苦和反

骨

交反也

晃

胡廣

猗 於 離 交 怨 讎 上 音 冤 感 倉 歷 反 忖 上 本 反

脆 不 取 豎 也 反 摸 貨 下 上 莫 候 反 探 取 也 含 反 奧 反 烏 告

也 况 惚 上 兄 往 反 下 音 忽 規 反 均 弥 類 准 蛸 飛 上 紆 反

又 狂 軟 反 蠕 動 反 上 音 微 細 蟲 動 而 類 脊 怨

細 蟲 飛 類 倡 伎 上 音 昌 劬 勤 音 衢 匱 求 位 友 反

上 唐 含 反 滑 携 八 繒 疾 陵 反 不 孚 生 下 芳 無 反 也

下 音 和 呼 反 卓 上 下 回 反 下 音 耳 谿 統 緹 上 紆

一 赴 音 延 縱 廣 上 丘 陵 也 反 音 耳 谿 統 緹 上 紆

茵 褥 也 髮 首 毛 也 驪 也 反 肘 臂 知 柳 反 也 輻 音 緘 暗 古

反 青 赤 也 又 髮 毛 也 驪 也 反 肘 臂 知 柳 反 也 輻 音 緘 暗 古

尺 也 于 力 反 拘 水 音 上 俱 正 作 酌 也 萬 箱 下 音 高 七

各 反 也 捶 之 安 靜 也 懔 然 上 反 驚 吾 各 拯 聲 蒸 字 上 粗 古 住 古

